

懇 天恩俯念漠河金廠較前倍著成效有裨邊防迥非尋常局務可比准  
照所請給獎出自逾格 慈施除飭取各員履歷送部並將千把以下武弁  
咨部給獎外理合會同黑龍江將軍臣恩澤恭摺具陳伏乞 皇上聖鑒訓  
示謹 奏奉 硃批該部議奏單併發欽此

光緒二十三年第十三屆開平煤務條啟

謹將光緒二十二年丙申第十三屆煤餉銀款收支各項總結數目及應行  
聲叙各條分別刊布有股諸君查閱

一採售煤餉宜聲明也查唐山一礦本屆採得各槽煤四十四萬五千六百餘  
墩較上屆多採煤九萬餘墩本屆售出並煉焦炭共煤四十二萬七千二百  
餘墩較上屆多售煤十一萬餘墩結至去年年底除本局廠自用外淨存各  
槽煤十一萬三千四百餘墩較上屆結存相差無幾此本屆煤斤採售存餘  
之大略也

一銀款進出宜聲明也查本屆售進煤款銀一百十九萬零二百餘兩雜款進  
銀十萬零四千六百餘兩二共銀一百二十九萬四千九百餘兩較上屆多

進銀二十萬一千六百餘兩。除付一切開銷外，本屆結餘銀三十七萬九千一百餘兩。內除付第九次股息銀十五萬零二百餘兩，淨結餘銀二十二萬八千九百餘兩。較上屆多銀十萬餘兩。此本屆銀款進出結餘之大略也。

一、林西分礦宜聲明也。查林西一礦，本屆採得煤四萬二千九百餘墩。售進煤款等項，共銀七萬五千七百餘兩。除本屆煤費局繳共銀三萬四千九百餘兩，淨結餘銀四萬零八百餘兩。再查林西銷場，現經鐵路通至關外，原可期望暢興。但東路山多柴賤，風氣未通，銷路既窒，運脚亦昂，商販無利可圖，率皆不敢多運。是林西出煤仍藉本地土銷，不得不量為採取，以省工本而免壅積。是以本屆進款致較上屆少銀三萬餘兩。好在本局繳費力求撙節，竟較上屆省銀二萬七千餘兩。故本屆進款雖形稍絀，而結餘仍有四萬餘兩。以後東路風氣漸開，或運赴口外運售，仍當竭力採取，以資銷用也。

一新井工程宜聲明也。查本局井下煤槽十有餘道，歷年以來採取既多，開通日遠，其中之紆迴艱險工作愈難。工本既不免加增，提取亦因有遲頓。惟有一試探非下槽道扼要之處，另開井口，以資便捷。此亦一定不移之法也。爰探

定地段另開西井南井兩處每井工作皆在萬數千金所謂一勞永逸似費實省者也

一酌加股利宜聲明也查本礦股本利息自第五屆起派迄至上屆已歷八次但歷年以來出煤既屬相等銷路亦未大暢故舊新各股迭次酌加僅至舊股一分新股八厘誠無以副有股諸君殷殷之望迨第九屆翼等承乏以後於今五載雖遞年進款漸有加增第籌還海軍鉅款置買上海等處碼頭加長船身添置機器種種要用既多結款仍無餘羨茲本屆銷煤較上屆加多十一萬餘墩進款較上屆多銀二十八萬餘兩暢興之象已有端倪但官款洋債尙未一律清還應添輪船現僅訂造二艘雖有轉機尙多需項然既已進款加旺自應將股利量爲加增略爲有股諸君以誌慰焉爰將舊新各股本屆派利各加二厘此後新井工竣輪船添齊南洋銷路暢通則股利之增正有加無已也

一添造輪船宜聲明也查本局輪船四艘除北平一艘專供轉運烟臺旅順等處北洋官煤其承平富平永平三隻輪轉運送上海廣東各處官商訂購煤

斤自南洋銷路加增運送實不敷周轉不得不租用外船以資接濟其租船脚利剝費等項虧耗實多本屆因在英德兩國著名船廠各訂造輪船一隻業經稟明北洋督憲王批示命名廣平平西故本屆賬內贖本項下有新置輪船定價津銀九萬四千餘兩一欸一俟造完到埠應付餘價統歸下屆列報以後仍須量時加添俾資應用不致再租外船以免吃虧

一輪船虧耗宜聲明也查本局原置輪船四艘以備運送北洋水師船塢各項官煤及廣東上海等處官商訂購煤炭除北平一船專放烟臺旅順營口各處本屆結餘銀六千九百餘兩較上屆稍爲差勝至其餘三艘及租用斯高祿外船無不結有虧耗推原其故一由廣東海路寫遠耽悞船期一由各貨無多回載不足一由天津海河淤淺進出沽口往往延擱需時又客貨起剝貼補剝費至外租之船原因接濟周轉當官煤緊急祇期運到不致悞公雖明知吃虧又不得不顧全大局此各輪虧耗之實在情形也嗣後本局添船到埠輪轉有餘再經調度妥協自能有盈無絀矣

一照章派利宜聲明也查本局分利章程每年以五月朔爲定期前因東省多

事或報賬衍期皆聲明展緩今本屆仍照章於五月朔在天津上海香港三處各分局派分股息天津用行平化寶上海按一零五伸合規元香港按每洋元七錢二分以歸劃一而符定章

徐潤

光緒二十三年四月 日

張翼謹識

陳善言

中外交涉條則

梧州稅關章程

梧州立約通商建設洋稅廠所有征收進口貨稅應如何抽今已與各國明定稅例九則

一自外來洋貨如貨經報稅運入西商行棧即歸西商隨時發放

二外來洋貨無論西商華商販運到埠報號納稅後即要從該埠發賣不得私運別處

三西人既在此通商所有市面貨物任西商買賣如常運載貨件就地僱賃船